

Annwyl Ymgeisydd,

Diolch am eich diddordeb yn y swydd

**SWYDDOG MARCHNATA A'R WE**

Yn amgaeëdig gweler ein ffurflen gais cyfle cyfartal, a'r gwybodaeth canlynol:

- Disgrifiad swydd
- Manylion personol
- Gwybodaeth cefndirol

Cyflog £15,000 - £18,500 yn dibynnu ar brofiad

Y dyddiad cau ar gyfer ceisiadau yw **Canol Dydd, Dydd Llun 22 Mawrth 2010**.  
Bydd cyfweiliadau i ddilyn yn ystod yr wythnos yna. Sylwer, byddwn yn rhoi  
gwybod i'r ymgeiswyr sydd wedi cyrraedd y rhestr fer yn unig.

Cofion Gorau

Heather Jones  
**Cynorthwydd Gweinyddol**

# SHERMAN CYMRU

## Sherman Cymru

### Y cwmni

Ffurfiwyd Sherman Cymru yn Ebrill 2007 pan unwyd Sgript Cymru, cwmni drama cyfoes cenedlaethol Cymru, â Theatr y Sherman, cwmni oedd wedi cynhyrchu a chyflwyno dramâu yng Nghaerdydd ers blynnyddoedd maith.

Ein nod yw cynhyrchu a chyflwyno theatr uchelgeisiol, rymus sy'n ysbrydoli ein cynulleidfaoedd; arwain mentrau sy'n denu cyfranogwyr at y broses greadigol o greu theatr; a cheisio creu amgylchedd arbennig fydd yn meithrin ac yn ysgogi ymarferwyr theatr. Yn ganolog i'n gwaith mae ein hymrwymiad i ddatblygu ac i hyrwyddo gwaith awduron Cymreig, ac awduron sy'n byw yng Nghymru; meithrin cysylltiad pobl ifanc â'r profiad o theatr; ac annog datblygiad artistiaid y genhedlaeth nesaf. 'Rydym yn creu gwaith yn Saesneg ac yn Gymraeg, ac mae nifer o'n cynrychiadau yn teithio o amgylch Cymru, a thu hwnt.

Ochr yn ochr â'n cynrychiadau ein hunain 'rydym yn cyflwyno rhaglen amrywiol sy'n cynnwys gwaith gan gwmnïau sy'n ymweld â'r Sherman, ac mae tîm Dysgu Creadigol y cwmni'n cynnal rhaglen eang drwy gydol y flwyddyn – mae'r manylion ar gael ar [www.shermancymru.co.uk/get-involved](http://www.shermancymru.co.uk/get-involved).

Mae Sherman Cymru yn elusen gofrestredig sydd â statws atebolrwydd cyfyngedig, ac mae'n derbyn arian refeniw gan Gyngor Celfyddydau Cymru a Chyngor Caerdydd. Ar hyn o bryd mae ein gwaith Dysgu Creadigol yn cael ei gefnogi gan Sefydliad Paul Hamlyn a Sefydliad Rayne.

### Adeilad y Sherman

Dros y 18 mis nesaf bydd gwaith adnewyddu sylweddol yn cael ei wneud ar adeilad y Sherman. Bydd y theatr yn cael ei thrawsffurfio ac yn datblygu'n un o adeiladau amlycaf ardal Cathays o Gaerdydd.

*"Nod ein cynlluniau ail-ddatblygu yw rhoi lleoliad arbennig i unig theatr gynhyrchu Prifddinas Cymru, adeilad y mae'r theatr ei hun, a'r gynulleidfa yn ei haeddu - ac y gallwn oll ymfalchïo ynddo."*

Emyr Jenkins, Cadeirydd Bwrdd Ymddiriedolwyr Sherman Cymru

Mae'r penseiri Capita Architecture, oedd hefyd yn gyfrifol am brosiect Canolfan Mileniwm Cymru, wedi creu argraffiadau artistig o'r theatr ar ei newydd wedd (ewch i [www.shermancymru.co.uk/building-plans](http://www.shermancymru.co.uk/building-plans)). Bydd yr adeilad newydd yn trawsffurfio profiad y gynulleidfa, gyda'r ardal blaen tŷ'n cael ei hatgyweirio'n gyfan gwbl i gynnwys toiledau, bar ac adnoddau coffe newydd sbon, a bydd wyneb y theatr yn cael ei diwygio'n llwyr. Bydd yno hefyd seddi a systemau gwresogi ac awyru newydd, a bydd y mynediad i bob ardal o'r adeilad yn cael ei wella. Bydd yr ardaloedd cefn llwyfan hefyd yn cael eu hehangu ar gyfer staff a chyfranogwyr, gan gynnwys ystafell ymarfer newydd ar gyfer datblygu talent. Bydd y ddau ofod perfformio presennol yn cael eu cadw, gyda'r prif leoliad yn cynnwys 460 o seddi (Lleoliad 1), a'r gofod stiwdio wyth ochrog, ble fydd hi'n bosib newid siâp yr eisteddle, all gynnwys hyd at fwyafrif o 160 o seddi (Lleoliad 2).

Drwy gydol y cyfnod cau bydd Sherman Cymru yn ymarfer, yn teithio neu'n cyflwyno cynhyrchiad newydd bron bob mis. Byddwn yn cynnal ein hymarferion yng Nghanolfan Gelfyddydau Chapter. Byddwn yn perfformio yn Chapter weithiau hefyd, yn ogystal â mewn theatrau eraill, ac mewn lleoliadau mwy anghonfensiynol. Yn ystod y cyfnod hwn mae ein swyddfeydd wedi symud i leoliad dros dro ar Cowbridge Road East, yn agos at ganol y ddinas, a bydd cynrychiadau'n cael eu llwyfannu mewn lleoliadau penodol a ddewisir yn arbennig, ac mewn lleoliadau theatrig mwy adnabyddus.

## Y Tîm Marchnata & Cysylltiadau Cwsmeriaid

Mae'r tîm Marchnata & Cysylltiadau Cwsmeriaid yn uno swyddogaethau Marchnata, y Swyddfa Docynnau a Blaen Tŷ, ac fe'i arweinir gan y Pennaeth Marchnata & Cysylltiadau Cwsmeriaid.

**Marchnata:** Mae ein tîm Marchnata'n cynnwys Rheolwr Cysylltiadau Cyhoeddus ac Ymgyrchoedd, Swyddog Marchnata, a Swyddog Gwefan a Marchnata. Prif swyddogaethau'r tîm Marchnata yw:

- Cynhyrchu llyfrynau tymhorol
- Cynhyrchu print ar gyfer digwyddiadau a phrosiectau Sherman Cymru, yr adran Dysgu Creadigol, a gweithgareddau Llenyddol
- Creu a rheoli ymgyrchoedd marchnata a chyfryngol ar gyfer yr uchod, yn ogystal ag ar gyfer gweithgareddau'r cwmnïau sy'n ymweld â'r Sherman
- Datblygu a pharhau â gweithgareddau e-farchnata Sherman Cymru
- Cysylltu â Rheolwr y Swyddfa Docynnau er mwyn sicrhau fod y Swyddfa Docynnau'n cael ei rheoli'n hwylus.

**Y Swyddfa Docynnau:** Tra bod cyfleusterau ein Swyddfa Docynnau ar gau ar hyn o bryd, 'rydym yn defnyddio trefniadau dros dro ar gyfer cynrychiadau y tu allan i'r Sherman. Pan fyddwn yn dychwelyd i'r Sherman bydd tîm Gwasanaethau Cwsmeriaid newydd yn ei le, fydd, mae'n debyg yn cynnwys Rheolwr, a thîm o Gynorthwyr achlysurol, a byddant yn cyflawni'r gwasanaethau canlynol:

- Cysylltu â Marchnata er mwyn sicrhau llwyddiant ymgyrchoedd
- Gwneud y gorau o system gyfrifiadurol y Swyddfa Docynnau, Databox Provenue
- Gwerthu tocynnau drwy alwadau ffôn, e-bost, ymweliadau personol neu ar-lein
- Darparu'r gofal gorau posib ar gyfer cwsmeriaid.

**Blaen Tŷ:** Yn ystod y cyfnod cau, un aelod yn unig fydd gan ein tîm Blaen Tŷ, sef y Rheolwr Cyfleusterau. Mae'n gyfrifol am y gweithgareddau Blaen Tŷ pan fo'r cwmni ar daith, a, phan fo angen, pan gynhelir digwyddiadau yng Nghaerdydd. Pan fyddwn yn dychwelyd i'r Sherman mae'n debyg bydd y tîm yn cynnwys Rheolwr, a thîm o staff a thywyswyr achlysurol, a byddant yn cyflawni'r swyddogaethau canlynol:

- Rheoli perfformiadau, er mwyn sicrhau diogelwch a mwynhad aelodau'r gynulleidfa pan fyddant yn yr adeilad
- Rheoli bar a siop effeithiol a buddiol
- Goruchwylio pob cyswllt â'r caffe
- Rheoli'r digwyddiadau a gynhelir yn yr ardal Blaen Tŷ, e.e. cynadleddau, derbyniadau i westeion
- Darparu'r gofal gorau posib ar gyfer cwsmeriaid.

**TEITL Y SWYDD:****SWYDDOG MARCHNATA A'R WE**

YN ATEBOL I:

**Rheolwr Cysylltiadau Cyhoeddus & Rheolwr Ymgyrchoedd**

YN GYFRIFOL AM:

Gwirfoddolwyr, fel bo'r angen

PERTHNASAU GWAITH  
ALLWEDDOL:

Yr uchod, yn ogystal â'r Pennaeth Marchnata &amp; Cysylltiadau Cwsmeriaid a holl staff y tîm Marchnata &amp; Cysylltiadau Cwsmeriaid, y staff Artistig, y staff Dysgu Creadigol

**PWRPAS Y SWYDD:**

I fod yn gyfrifol am bresenoldeb Sherman Cymru ar y we, e-farchnata a gweithio gyda'r tîm Marchnata ar gynlluniau cynhyrchu ac ymgyrchoedd tymhorol.

**CYFRIFOLDEBAU PENODOL:**1. e-farchnata

Datblygu a gweithredu strategaeth we a marchnata gynhwysfawr

Gwneud y defnydd gorau posib o'r we ac o e-farchnata at ddibenion gwerthu tocynnau, proffil a phresenoldeb gweithgareddau Sherman Cymru gartref ac ar daith

Goruchwylio datblygiad y wefan a gwe-letya

Diweddarau pob adran o'r wefan (gan gynnwys diweddarau'r wybodaeth am weithgareddau'r tîm a'r cynyrchiadau, e.e. digwyddiadau datblygu awduron a'r adan Dysgu Creadigol)

Creu cynnwys ar gyfer y wefan, ble fo'n addas, e.e. lluniau, e-hysbysluniau a blogiau

Gwybod y diweddaraf am ddatblygiadau'r wefan ac e-farchnata

Gwneud y gorau o ryngweithio ar-lein e.e. blogio, adolygiadau, rhwydweithio cymdeithasol

Sicrhau presenoldeb Sherman Cymru ar restrau gwefannau

Creu ac anfon e-fwletinau rheolaidd Sherman Cymru

Monitro a gwerthuso gweithgaredd gwe, cofnodi ystadegau'r we a'r e-fwletinau'n rheolaidd

2. Ymgyrchoedd

Cynhyrchu llythyru uniongyrchol i gyflawni anghenion ymgyrchoedd

Cysylltu â'r cwmnïau sy'n dod i ymweld â Sherman Cymru, yng nghyd-destun gofynion post uniongyrchol

Chwilio am gymorth allanol (e.e. rhestrau postio), fel bo'r angen

Cynhyrchu rhestrau tymhorol i'w dosbarthu i'r wasg a'r cyfryngau

Cynorthwyo â threfnu ffotograffiaeth ar gyfer cyhoedduswydd a chynhyrchu er mwyn eu harddangos blaen tŷ

Cynorthwyo ag ymgyrchoedd Sherman Cymru, gartref ac ar daith, ac â gweithgareddau cwmnïau sy'n ymweld â Sherman Cymru, fel bo'r angen

3. Arall

Cynorthwyo â gweithgareddau Cysylltiadau Cyhoeddus a'r cyfryngau, fel bo'r angen

Cyd-lynu amrediad o berfformiadau mynediad, fel bo'r angen

Gweithredu fel prif gyswllt gyda'r tîm Artistig a Llenyddol

# SHERMAN CYMRU

Cynorthwyo'r tîm Llenyddol drwy hybu testunau o'r dramâu a sgrïptiau sydd wedi eu cyhoeddi

Cyfrannu at drosglwyddo Strategaeth Farchnata Sherman Cymru

Bod yn aelod actif o dîm a mynychu cyfarfodydd, fel bo'r angen

Cyfrannu at gynllunio ymgyrchoedd a chynlluniau ar gyfer y tymor

Cynorthwyo â digwyddiadau ar gyfer gwesteion, y cyfryngau a Chysylltiadau Cwsmeriaid

Mynd i'r afael â gwaith datblygu cynulleidfâ, fel bo'r angen

Cynorthwyo â dosbarthu, fel bo'r angen

Cydymffurfio â, a gweithredu Polisi Iaith y cwmni

Cyd-weithio â'r Pennaeth Marchnata & Gwasanaethau Cwsmeriaid ar gydymffurfriad brand

## **Mae'n ddyletswydd cydymffurfio â'r Datganiad Cyfleoedd Cyfartal cyfredol, ac â datganiadau Polisi eraill, fel y manylir arnynt yn Llawlyfr y Staff.**

Sylwer: Fe'ch cyflogir fel **Swyddog Marchnata a'r We**. Fodd bynnag, efallai bydd gofyn i chi gyflawni dyletswyddau eraill ar yr un raddfa a'r u pecyn tâl, ac i'r un nifer o oriau gwaith. Rhoir rhybudd o bedair wythnos i chi o unrhyw newidiadau arfaethedig yn eich dyletswyddau.

Mae hon yn swydd-ddisgrifiad newydd, felly gellir gwneud rhai newidiadau gan eich rheolwr llinell, neu gellir ei thrafod naill ai yn eich Gwerthusiad Blynyddol, neu mewn unrhyw gyfarfod priodol arall, yn ddibynnol ar frys y trafodaethau angenrheidiol.

## Swyddog Marchnata a'r We

### Y Person

#### *Meini Prawf Hanfodol*

- Profiad o farchnata'r celfyddydau, mewn amgylchedd cynhyrchu theatr (yn ddymunol)
- Ymrwymiad cryf i faes gwaith Sherman Cymru, a blaenoriaethau artistig a dysgu Creadigol y cwmni
- Gwybodaeth weithredol am y we ac e-farchnata, yn enwedig integreiddio'r rhyngwyd fel arf marchnata allweddol, gan reoli'r cynnwys a gwneud y gorau o'r chwilotwr
- Gwybodaeth am safleoedd rhwydweithio cymdeithasol
- TChG-llythrennog, a gwybodaeth am brosesu geiriau, taenlennu a phecynnau e-bost
- Sgiliau ysgrifennu copi rhagorol
- Y gallu i gynhyrchu syniadau gwreiddiol a chreadigol ar gyfer ymgyrchoedd marchnata
- Y gallu i gynllunio, rheoli amser, blaenoriaethu a gweithio ar eich liwt eich hun
- Sgiliau rhyngbersonol cryf, yn ogystal â brwdfrydedd ac egni
- Sgiliau gweinyddu a'r gallu i roi sylw i fanylion
- Agwedd bositif at newid a syniadau newydd
- Agwedd bositif ac ymrwymiad i weithio mewn tîm
- Ymrwymiad at ofal cwsmeriaid
- Ymrwymiad at ddenu'r cyhoedd i gysylltu â gweithgareddau celfyddydol

#### *Meini prawf Dymunol*

- Y gallu i siarad, darllen ac ysgrifennu Cymraeg
- Cymhwyster penodol yn ymwneud â'r cyfryngau digidol/y we
- Rhywfaint o brofiad o weithio gyda'r wasg a'r cyfryngau
- Gwybodaeth o weithgareddau'r swyddfa docynnau, yn enwedig, Databox
- Gwybodaeth o godio html
- Ymwybyddiaeth o faterion sy'n berthnasol i farchnata'r celfyddydau, ac i ddiwydiant theatr y DU
- Gwybodaeth o fywyd celfyddydol Caerdydd a'r cynulleidfaoedd
- Gyrrwr â thrwydded yrru lân

## Swyddog Marchnata a'r We

### Amlinelliad o'r Telerau a'r Amodau

Cyflog	£15,000 - £18,500 y flwyddyn, yn dibynnu ar brofiad, i'w dalu'n fisol
Prif leoliad gwaith	Portcullis House, Cowbridge Road East, Caerdydd, tan i'r gwaith ail-ddatblygu ar adeilad Sherman Cymru gael ei gwblhau yn Haf 2011, pryd fydd y Cwmni'n symud nôl i Sherman Cymru, Ffordd Senghennydd, Caerdydd
Oriau'r wythnos	39
Gwyliau blynyddol	28 diwrnod y flwyddyn, yn codi i 33 diwrnod dros bum mlynedd [gan gynnwys gwyliau cyhoeddus]
Cyfnod prawf	Mae'r apwyntiad yn amodol ar gwblhau cyfnod prawf o chew mis yn foddhaol
Rhybudd	Un wythnos yn ystod y cyfnod prawf, un mis wedyn
Pensiwn	Mae'r Cwmni'n gweithredu cynllun Pensiwn Budd-ddeiliad gyda'r Legal & General. Mae'r holl staff a gyflogir am dri mis neu ragor yn gymwys i ymuno â'r cynllun

## Sherman Cymru – Rhestr staff presennol

Cyfarwyddwr: Chris Ricketts  
Rheolwr Cyffredinol: Margaret Jones

Cyfarwyddwr Cyswllt (Cymraeg): Arwel Gruffydd  
Cyfarwyddwr Cyswllt (Saesneg): Amy Hodge  
Cysylltydd: Elen Bowman  
Cyd-lynydd Artistig: Kate Perridge  
Rheolwr Llenyddol: Siân Summers  
Cynorthwydd Llenyddol: Branwen Davies

Gweinyddu  
Hyrwyddwr y Mudo a Rheolwr Cyfleusterau: Marina Newth  
Gweinyddwr: Elin Partridge

Datblygu  
Pennaeth Datblygu (rh/a): Emma Goad  
Rheolwr Apêliadau: Suzanne Carter

Cyllid  
Pennaeth Cyllid: Philippa McGrath  
Cynorthwydd Cyllid: Marion Price

Dysgu Creadigol  
Pennaeth Dysgu Creadigol: Jessica Naish (*absenoldeb dros dro*)  
Pennaeth Dysgu Creadigol dros dro: Phil Mackenzie  
Swyddog Cyswllt Dysgu Creadigol (rh/a): Llinos Mai  
Swyddog Cyswllt Dysgu Creadigol: Jason Camilleri  
Cynorthwydd Dysgu Creadigol/Gweinyddol: Heather Jones

Marchnata a Chysylltiadau Cwsmeriaid  
Pennaeth Marchnata a Chysylltiadau Cwsmeriaid: Haleh Tozer (*Mamolaeth*)  
Rheolwr Cysylltiadau Cyhoeddus ac Ymgyrchu: Alice Baynham (*Pennaeth Marchnata a Chysylltiadau Cwsmeriaid dros dro*)  
Swyddog Marchnata a'r We: *i'w b/phenodi*  
Swyddog Marchnata: Bethan Way

Cynhyrchu a Gweithrediadau  
Pennaeth Cynhyrchu a Gweithrediadau: Nick Allsop  
Prif Drydanwr: Rachel Mortimer  
Is Brif Drydanwr: Katy Stephenson  
Trydanwr ar gyfer y Cynhyrchiad: Gareth Evans  
Rheolwr Llwyfan Technegol: Gareth Gordon  
Rheolwr Gwisgoedd: Deryn Tudor